



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-1095/26
Vogošća, 22.06.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 22.06.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU USLUGE OBAVLJANJA
STRUČNOG NADZORA NAD IZVOĐENJEM RADOVA NA PROJEKTU "REKONSTRUKCIJA
I IZGRADNJA JAVNE RASVJETE NA PODRUČJU OPĆINE VOGOŠĆA")

Član 1.

Ponuda ponuđača "Radis" d.o.o. Istočno Sarajevo, ulica Jovana Dučića br. 16, Istočno Sarajevo, odabrana je za nabavku usluge obavljanja stručnog nadzora nad izvođenjem radova na projektu "Rekonstrukcija i izgradnja javne rasvjete na području općine Vogošća", kao prvoplasirana na Rang listi, sa ponuđenom ukupnom cijenom nabavke u iznosu od 2.300,00 KM bez uračunatog PDV-a, odnosno 2.691,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 25.05.2026. godine donio Odluku o pokretanju Konkurentskog zahtjeva za dostavu ponuda za nabavku usluge obavljanja stručnog nadzora nad izvođenjem radova na projektu "Rekonstrukcija i izgradnja javne rasvjete na području općine Vogošća", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 28.05.2026. godine pod brojem: 1353-7-2-117-3-108/26. Sažetak Obavještenja o nabavci objavljen je u "Službenom glasniku BiH" broj: 39/26 od 05.06.2026. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 09.06.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 09.06.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1095/26 iz maja 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1.	JP za prostorno planiranje i uređenja grada "Zenica" d.o.o. Zenica	4.498,48	/	/	5.263,22
2.	"Smajić Inženjering" d.o.o. Goražde	4.798,38	7%	4.462,49	5.221,11
3.	"Radis" d.o.o. Istočno Sarajevo	2.300,00	/	/	2.691,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača JP za prostorno planiranje i uređenja grada "Zenica" d.o.o. Zenica ne ispunjava formlno-pravne uslove tražene Tenderskom dokumentacijom, odnosno ponuđač je u ponudi dostavio potvrde o uspješnoj realizaciji ugovora, ali samo neke od potvrda se odnose na nadzor nad izvođenjem radova kako je traženo Tenderskom dokumentacijom.

Naime, Tenderskom dokumentacijom u tački 7.4.1. ponuđač je dužan ispuniti sljedeće uslove tehničke i profesionalne sposobnosti:

- a) da je u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmet nabavke usluge obavljanja stručnog nadzora u oblasti niskogradnje u ukupnom iznosu od 6.000,00 KM bez uračunatog PDV-a ili više pojedinačnih ugovora u ukupnom zbiru od 6.000,00 KM bez uračunatog PDV-a.

Nadalje, tačkom 7.4.2.U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) Spisak izvršenih ugovora u ukupnom iznosu od 6.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona. Ukoliko se potvrde o izvršenim uslugama ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o pruženim uslugama koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Napomena III: Ako je period od registracije/osnivanja ponuđača kraći od perioda za koji ugovorni organ zahtijeva dokaze koji se odnose na tehničku i profesionalnu sposobnost ponuđača, ponuđač je u tom slučaju dužan da dostavi dokumentaciju samo za period od svoje registracije/osnivanja.

Ponuđač je u ponudi dostavio potpisan i ovjeren Spisak izvršenih ugovora broj: 04-1-3755-1/26 – S.V. od 01.06.2026. godine na memorandumu Ponuđača, u kojem su navedeni ugovori koje je ponuđač realizovao u protekle 3 (tri) godine.

Međutim, uvidom u potvrde izdate od druge ugovorne strane, u kojima je naveden predmet ugovora, samo se jedna odnosi na usluge koje su predmet ove nabavke, tj. na nadzor nad izvođenjem radova na niskogradnji, ali je njen iznos je manji od 6.000,00 KM kako je traženo Tenderskom dokumentacijom, dok se druga potvrda odnosi na projektovanje u niskogradnji što nije traženo Tenderskom dokumentacijom.

Imajući u vidu da je tenderskom dokumentacijom traženo da je ponuđač u posljednje 3 (tri) godine realizovao minimalno jedan ugovor ili više pojedinačnih ugovora u iznosu od 6.000,00 KM koji se odnosi na usluge nadzora nad izvođenjem radova u niskogradnji, Komisija je navedne dokumente iz ponude ocijenila neprihvatljivim jer se njima ne dokazuje da je ponuđač ispunio uslove izričito tražene tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Ponuda ponuđača „Smajić-Inženjering“ d.o.o. Goražde nije u skladu sa Tenderskom dokumentacijom jer za jedno lice VSS VII stepen-dipl ing. građevine nije dostavljen dokaz o radnom iskustvu u struci.

Naime, Tenderskom dokumentacijom u tački 7.4.1. ponuđač je dužan ispuniti sljedeće uslove tehničke i profesionalne sposobnosti:

c) obrazovne i profesionalne kvalifikacije lica koja su angažovana na vršenju nadzora nad izvođenjem radova tj. da ponuđač za potrebe realizacije predmeta nabavke ima na raspolaganju angažovano tehničko osoblje i to:

- 1 (jedno) lice VSS VII stepen-dipl ing. građevine odnosno visoko obrazovanje najmanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja u oblasti građenja ili stručnog nadzora nad izvođenjem radova, sa položenim stručnim ispitom i 5 (pet) godina radnog iskustva u struci.

Nadalje, tačkom 7.4.2. U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

c) Za jedno (1) lice diplomirani dipl ing. građevine (VII stepen) dostaviti diplomu o završenoj VSS i Uvjerenje o položenom stručnom ispitu za jednog dipl ing. građevine (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu.

Napomena I: Dokazi koji se dostavljaju moraju biti originali ili ovjerene kopije.

Napomena II: Dokazi o radnom iskustvu za sve tražene osobe mogu biti Izvod iz matične evidencije uposlenih (PIO/MIO) ili Potvrde-Uvjerenja izdata od strane poslodavca.

Napomena III: Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač je u ponudi dostavio za jedno lice dipl ing. građevine Uvjerenje o osiguranju izdato od Porezne uprave Novi Travnik, ali taj dokument ne može biti dokaz radnog iskustva, jer je Tenderskom dokumentacijom izričito navedeno da dokaz o radnom iskustvu može biti **Izvod iz**

matične evidencije uposlenih (PIO/MIO) ili Potvrda-Uvjerenje izdato od strane poslodavca.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponude, Komisija za javne nabavke je utvrdila da ponuda Ponuđača „Radis“ d.o.o. Istočno Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Radis" d.o.o. Istočno Sarajevo, za pružanje usluge obavljanja stručnog nadzora nad izvođenjem radova na projektu "Rekonstrukcija i izgradnja javne rasvjete na području općine Vogošća", kao prvoplasiranom na Rang listi, sa ponuđenom ukupnom cijenom nabavke u iznosu od 2.300,00 KM bez uračunatog PDV-a, odnosno 2.691,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. JP za prostorno planiranje i uređenje grada "Zenica" d.o.o. Zenica
2. "Smajić-Inženjering" d.o.o. Goražde
3. "Radis" d.o.o. Istočno Sarajevo
4. Nadležnoj Službi
5. U dosije
6. a/a

ze.plan@bih.net.ba
smajicinzenjering.centrala@gmail.com
radis.doo@gmail.com

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA